



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manuscriptis Codicibvs, Qvarvm permultæ antehàc nunquàm
in lucem prodière

Complectens Sanctos Mensivm Novembris Et Decembris

Surius, Laurentius

Coloniae Agrippinae, 1576-

VD16 S 10263

De S. Amphilochio Episcopo.

[urn:nbn:de:hbz:466:1-77423](https://nbn-resolving.org/urn:nbn:de:hbz:466:1-77423)

qui simulacrorum templo præsdebant, pijs erga Deum precibus profligatis, templum reedificauit, ac plurimis ornamentis decorato, ei maximorum ac principum Apostolorum nomen indidit: in quo & mystica sacrificia offerebat, linguam simul & manum operare aperiens, præsbensque panem, quo corda reficiuntur: panem, inquam, qui re simul & nomine, Angelorum dicitur, panem esurientium animas saturantem, vtrinque mundi creatorem venerabatur.

In his autem ille honestis moribus ac recte factis perseuerans, vitam suam decorat ac honesti tanquam exemplar exhibens, lenitatis animi ac patientiae, addo etiam in aduersis tolerantiae, suo ipsius documento legem omnibus indixit. Sicque diebus ac virtutibus auctus, mortali vita perfunctus, ad optatissimum Christum emigravit. Quem decet honor, gloria, maiestas & magnificentia, nunc & semper, & in secula seculorum, Amen.

Excedit à vita.

DE SANCTO AMPHILOCHIO EPISCOPO, ET DE LIBERTATE EIUS, QVA ILLE IN ORATIONE ad Theodosium Imperatorem vsus est, ex Sozomeni Ecclesiasticae Historiae libro septimo cap. 6. Interprete Suffrido Petro Leonardiensi Frisio.



DHVC autem isti quia numero pollebant, Constantij ^{23, Nouēb.} atque Valentis praeiudicio freti, securius conueniebant, ac de Deo, eiusque essentia publice disputabant: & vt Imperatoris animum pertentarent, eos subornabant quos in aula suae sectae fautores habebant. Rebatur enim se obtenturos id quod proposuerant, cum ea considerarent, quae sub Constantio acciderant. Quae quidem res & Ecclesiae Catholicae sectatoribus formidinem ac sollicitudinem incusserat: qui tamen non minimè & hinc metuebant, quòd considerarent, quantum esset Eunomij in disputando acumen. Hic enim non multò antè ob-

controversiam quam cum Clericis suis, imperante adhuc Valente, Cyzici habebat, ab Arianis discussione facta, priuatus agebat in Bithynia, e regione Constantinopolis, ac frequens ad eum populus traieciat: multi que aliunde confluabant, partim vt illum pertentarent, partim vt eius doctrinam cognoscerent. Huius rei fama ad Imperatorem quoque permanerat, qui iam conueniendi eius desiderio tenebatur. Carcerum Imperatrix Placilla cum studiosè deprecando cohibuit. Nam cum Niceni Concilij doctrinam ipsa fidelissimè conseruaret, metuebat, nè (quod contentanum videbatur) maritus colloquio circumuentus, in illius sententiam decesseret. Vigente autem adhuc vtrinque huiusce contentionis studio, Episcopis ijs qui Constantinopoli versabantur, palatium Imperatoris salutandi gratia (vt moris erat) frequentantibus, etiam Amphilocheius quidam senex, cum his vnà venisse dicitur, ignobilis oppidi sacerdos, simplex, ac nullo rerum vsu tritus, sed in diuinis apprime cordatus. Cum autem caeteri candidè admodum ac religiosè Imperatorem consalutassent, etiam sacerdos ille senex, ipsum consimiliter salutauit: filio verò Imperatoris qui patri assidebat, aequalem honorem non exhibuit, sed proptius accedens, veluti puero, Salue (inquit) fili. simul que caput illi digito demulcebat. Commotus igitur ira Imperator, & quasi ob iniuriam filio factam indignatus, quem ille non aequaliter honorasset cum patre, fors exturbari cum contumelia senem iussit. Ille verò cum raptaretur, conuersus: Ad hunc, inquit, modum Imperator existima, & caelestem quoque patrem exandescere in eos, qui filium cum patre non aequaliter honorant, & genitore inferiorem nuncupare audent. Delectatus hoc dicto Imperator, senem reuocat: & veniam precatus, verè illum locutum esse confitetur. Firmior itaque factus, eos, qui ab hoc diuersum sentirent, non admittit: contentiones etiam & conuentiones in foro habere vetuit: & vt de essentia ac natura Dei solito more disputare, tutum deinceps non esset, effecit, lata in eam rem lege, & constituta poena.

Eunomij in disputando acumen.

Imperatrix Placilla orthodoxa.

Amphilocheij cum Imperatoris proppria.

Theodosius Imperator orthodoxa fidem amplectitur.

R I U S
V I T A

VITA